



Universitätsbibliothek Paderborn

Tractatvs De Necessitate Et Modo Ministrandi Sacramenta Tempore pestis

Chapeauville, Jean

Mogvntiæ, 1612

5. An liceat illi, si neminem reperire poßit qui vices supplere velit, ad bimestre saltem ex licentia Episcopi curam pastoralem deserere?

urn:nbn:de:hbz:466:1-41077

nec velit sacramenta ministrare, & periculum est in mora,

R. Eo casu quemcumque sacerdotem etiam non approbatum posse imo debere ministrare, quia (a) necessitas caret lege, neque illa lex est quae tunc prohibeat,

Quæstio quinta.

An liceat illi si neminem reperire possit, qui vices supplere velit, ad bimestre saltem ex licentia

Episcopi curam Pastoralem deferere.

Quæstionis explicatio.

ET si personalis residentia pastorum sit iuris diuini, nihilominus Concilium b. Sess. 23. c. 1. (b) Trident. concedit Episcopis & aliis inferiorib. curatis, ut ad duos aut ad summum c. Cancil. Eli bert. cap. 21. canonum sententia non videantur abesse qui d. refor. c. 1. statim reuersuri sunt. Idcirco querunt quidam an grassante peste possit pastor saltem pro tempore à Concilio Tridentino concessa ex licentia Episcopi abesse, & à ministracione sacramentorum excusari,

Responso.

Nequaquam: quia illud tempus est quo præceptum de residentia personali maxime obligat, puta, quando omnis vel ferme omnes sacramentis, exhortationibus & do-

& doctrinis piis & aliis ad salutem necessariis imprimis indigent, & licentia absendi, quæ à superiore aliquo tempore concedi solet, non conceditur intuitu boni priuatis personæ pastoris: sed publici sine ecclesiæ, ut expresse Concilium Tridentinum declarat. Cum vero bonum publicum & spirituale totius gregis præsentiam pastoris pro illo tempore, iure diuino, exigat, nemo pro eo tempore dispensare poterit.

Dices, non alia obligatione tenetur, seruire populo suo pastor, quam Episcopus: Sed Episcopus non malefacit nisi à ciuitate vbi serpit pestis, discedat, dummodo absens corpore animo saltem prouideat quantum in se est saluti populi, poterit ergo & pastor nullo relicto vicario à populo recedere.

R^e. Magnam esse hac in parte differentiam inter Episcopum & pastorem. Nam (a) Episcopus est in sua diœcesi, veluti causa quædam vniuersalis, quæ per se & immediate, non operatur particulares effectus, nisi casu necessario & raro, de quo postea, ideoque regulariter non est alligatus vni parochiæ, vel oppido siue diœcelsi, pastor autem est veluti causa particularis astricca immediatè ad ea, quæ ipsi ab Episcopo sunt demandata, vt est ministrare sacra-

^a D. Thom.
quodl. 1, art.
14. ut. 3. ar. 7.

B 4 menta

24 DE NECES. ET MOD. MINIST.
menta fidelibus talis vel talis parochiæ,
quocirca illi vel illi parochiæ est alligatus.

Quæstio sexta.

*An Pastor possit illo tempore curæ Pastorali
renunciare?*

Quæstionis explicatio.

a 19. q. 2. due
funt. **P**ossunt parochi iure (a) communi et-
iam sine licentia superiorum relicta
cura pastorali ad statum religionis transfire.

b 2. 2. q. 184.
art. 3. & ibid.
commenta-
tores. Sic enim Urbanus Pontifex: *Si quis in eccl-
esiæ sub Episcopo proprium retinet & seculariter
viuit, si afflatus Spiritu sancto in aliquo mona-
sterio vel regula canonica saluare se voluerit, et-
iam Episcopo suo contradicente, eat liber nostra
authoritate.* Imo secundum doctrinam D.

(b) Thomæ & aliorum possunt ad humili-
orem simplicium sacerdotum statum si-
ne Episcopi licentia descendere: Idcirco
quæritur hoc loco, si parochi non possint
illo tempore ex licentia Episcopi excusari
à residentia personali & ministratione sa-
crementorum, an saltē excusabuntur
simpliciter curæ pastorali renunciando, &
ad religiosorum vel etiam ad humili-
orem simplicium sacerdotum statum trans-
cundo.

Respon-